



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՄԵԾԱՄՈՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արմավիրի մարզի Մեծամորի համայնք  
ՀՀ, Արմավիրի մարզ, ք.Մեծամոր, 060656505 info@mecamor.am

### Ո Ր Ո Շ ՈՒ Մ

22 ՄԱՐՏԻ 2023 թվականի N 0879-Ա

### ՎԱՐՉԱԿԱՆ ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ

1. Վարչական ակտով լուծվող հարցի նկարագրություն.

Մեծամորի համայնքապետարանի աշխատակազմի եկամուտների հաշվառման և հավաքագրման ծրագրերի կազմման և համակարգման բաժնի աշխատակիցների կողմից 2023 թվականի փետրվարի 28-ին ներկայացված թիվ 8 զեկուցագրի արդյունքում պարզվել է, որ քաղաքացի Իսկուհի Թադևոսյանն ունի իրեն պատկանող փոխադրամիջոցի գույքահարկի գծով չվճարված հարկային պարտավորություններ:

Համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի «բ» կետի՝ Մեծամոր համայնքի ղեկավարի կողմից 2023 թվականի մարտի 03-ին թիվ 735-Ա որոշման հիման վրա հարուցվել է վարչական վարույթ:

2. Վարչական ակտն ընդունելու համար հիմք հանդիսացող փաստերը.

ա) ՀՀ Արմավիրի մարզի Մեծամորի համայնքապետարանի աշխատակազմի եկամուտների հաշվառման և հավաքագրման ծրագրերի կազմման և համակարգման բաժնի կողմից 28.02.2023 թվականին ներկայացված թիվ 8 զեկուցագիրը:

բ) Հանձնաժողովի 20.03.2023 թվականի թիվ 31/23 վարչական վարույթի քննարկման արձանագրությունը:

3. Վարչական ակտն ընդունելու հիմնավորումը.

Քաղաքացի Իսկուհի Թադևոսյանը «Վարչարարության հիմունքների և վարչական վարույթի մասին» Հայաստանի Հանրապետության օրենքի 35-րդ հոդվածի համաձայն՝ պատշաճ ծանուցվել (ծանուցում՝ 07.03.2023թ. փոստային առաքանի թիվ՝ 21981050) է վարչական հանձնաժողովի նիստի օրվա, ժամի և տեղի մասին, սակայն քաղաքացու կողմից ծանուցումը ստանալը հավաստող փաստաթուղթը չի ստացվել:

Համաձայն Հայաստանի Հանրապետության «Վարչարարության հիմունքների և վարչական վարույթի մասին» օրենքի 49-րդ հոդվածի առաջին մասի «գ» կետի՝ վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Հաշվի առնելով այն հանգամանքը, որ վարչական վարույթի օրենքով սահմանված ժամկետում (վարույթի մնացյալ ժամկետում) հնարավոր չէ ընդունվելիք վարչական ակտի հասցեատիրոջն ի հայտ բերել, անհրաժեշտ է սույն վարչական վարույթը կասեցնել:

Այսպիսով, ելնելով վերոգրյալից և ղեկավարվելով Հայաստանի Հանրապետության «Վարչարարության հիմունքների և վարչական վարույթի մասին» օրենքի 49-րդ հոդվածի առաջին մասի «գ» կետով.

#### ՈՐՈՇՈՒՄ ԵՄ

1. Քաղաքացի Իսկուհի Թադևոսյանի նկատմամբ հարուցված վարչական վարույթը կասեցնել՝ մինչև կասեցման համար հիմք հանդիսացած հանգամանքների վերացումը:
2. Սույն որոշումն ուժի մեջ է մտնում՝ այն կողմերին իրազեկելուն հաջորդող օրվանից և կարող է բողոքարկվել ՀՀ վարչական դատարան՝ ուժի մեջ մտնելու պահից երկամսյա ժամկետում:

ՀԱՄԱՅՆՔԻ ՂԵԿԱՎԱՐ՝



Վ.ԽԱՉԱՏՐՅԱՆ

